



Broj: 0101- 1502 /23
Sarajevo, 06. 04. 2023. godine

-VIJEĆE FAKULTETA-

Na osnovu člana 69. stav 1. tačka e) Zakona o visokom obrazovanju Kantona Sarajevo ("Službene novine Kantona Sarajevo" br. 33/26) i člana 104. stav 2. tačka f) Statuta Univerziteta u Sarajevu, a u vezi sa Odlukom Vijeća doktorskog studija br. 0101-1247/23 od 23.03.2023.godine, Vijeće Univerziteta u Sarajevu – Farmaceutskog fakulteta je na 6. redovnoj sjednici održanoj dana 06.04.2023. godine donijelo

ODLUKU

I

Usvaja se **Poslovnika o radu Vijeća trećeg ciklusa studija - doktorski studij** Univerziteta u Sarajevu-Farmaceutskog fakulteta.

II

Sastavni dio ove Odluke je akt iz tačke I.

III

Odluka stupa na snagu danom donošenja.

Obrazloženje

Vijeće doktorskog studija Univerziteta u Sarajevu-Farmaceutskog fakulteta je na 5. Redovnoj sjednici održanoj dana 23.03.2023.godine usvojilo prijedlog Poslovnika o radu Vijeća trećeg ciklusa studija - doktorski studij Univerziteta u Sarajevu-Farmaceutskog fakulteta, te prosljedio isti Vijeću fakulteta na dalje postupanje. Razmatrajući navedeni prijedlog, Vijeće Univerziteta u Sarajevu -Farmaceutskog fakulteta je na 6. redovnoj sjednici održanoj dana 06.04.2023. godine, donijelo odluku o usvajanju Poslovnika o radu Vijeća trećeg ciklusa studija - doktorski studij Univerziteta u Sarajevu-Farmaceutskog fakulteta.

Akt sačinila: Nina Oručević, stručni saradnik za ljudske resurse



Dostaviti:

- Web stranica i oglasna ploča
- Prodekan za osiguranje kvaliteta
- Evidencija VF
- Vijeću doktorskog studija
- a/a

UNIVERZITET U SARAJEVU - FARMACEUTSKI FAKULTET

**POSLOVNIK O RADU .
VIJEĆA TREĆEG CIKLUSA STUDIJA – DOKTORSKI STUDIJ
UNIVERZITETA U SARAJEVU-FARMACEUTSKOG FAKULTETA**

Sarajevo, 2023. godine

Na osnovu člana 69. stav 1. tačka e) Zakona o visokom obrazovanju Kantona Sarajevo ("Službene novine Kantona Sarajevo" br. 33/26) i člana 104. stav 2. tačka f) Statuta Univerziteta u Sarajevu, a u vezi sa Odlukom Vijeća doktorskog studija br. 0101-1247/23 od 23.03.2023.godine, Vijeće Univerziteta u Sarajevu – Farmaceutskog fakulteta je na 6. redovnoj sjednici održanoj dana 06.04.2023. godine donijelo

**POSLOVNIK O RADU
VIJEĆA TREĆEG CIKLUSA STUDIJA – DOKTORSKI STUDIJ
UNIVERZITETA U SARAJEVU-FARMACEUTSKOG FAKULTETA**

I OPĆE ODREDBE

Član 1.

(Predmet poslovnika o radu)

Poslovníkom o radu Vijeća doktorskog studija Univerziteta u Sarajevu – Farmaceutskog fakulteta fakulteta (u daljem tekstu: Poslovnik) utvrđuje se način rada Vijeća trećeg ciklusa studija/doktorskog studija Univerziteta u Sarajevu – Farmaceutskog fakulteta (u daljem tekstu: Vijeće studija), a naročito:

- Sastav Vijeća studija,
- Nadležnosti Vijeća studija,
- Način sazivanja sjednica,
- Utvrđivanje dnevnog reda,
- Predsjedavanje,
- Tok sjednice,
- Odlučivanje i
- Vođenje zapisnika.

Član 2.

(Vijeće studija)

Vijeće studija je stručno tijelo Univerziteta u Sarajevu – Farmaceutskog fakulteta (u daljem tekstu: Fakultet) čiji su sastav i nadležnost određeni Pravilima studiranja za treći ciklus studija Univerziteta u Sarajevu - doktorski studij (u daljem tekstu: Pravila). Poslove iz svoje nadležnosti Vijeće studija obavlja na sjednicama u prostorijama Fakulteta ili elektronski.

Član 3.
(Sastav Vijeća studija)

- (1) Vijeće studija sačinjavaju svi nositelji obaveznih i izbornih predmeta studijskog programa trećeg ciklusa studija/doktorskog studija (u daljem tekstu: predmetni nastavnici), uključujući prodekana za naučnoistraživački rad i prodekana za nastavu i studentska pitanja po funkciji.
- (2) Sekretar/referent Vijeća studija učestvuje u radu Vijeća bez prava glasa.
- (3) Predmetne nastavnike i nositelje nastavnog i istraživačkog procesa na trećem ciklusu studija utvrđuje Vijeće Fakulteta prije početka akademske godine.
- (4) Vijeće studija bira predsjednika vijeća studija koji je ujedno i rukovodilac vijeća iz reda nastavnika u zvanju vanrednog ili redovnog profesora.
- (5) Predsjednika Vijeća studija, potvrđuje dekan Fakulteta nakon izbora od strane Vijeća studija.

Član 4.
(Nadležnost Vijeća studija)

- (1) Vijeće studija kao stručno tijelo Fakulteta rukovodi trećim ciklusom studija u skladu sa zakonom, Statutom i Pravilima te je odgovorno za nesmetano funkcionisanje trećeg ciklusa studija.
- (2) Vijeće studija rješava sva pitanja koja se odnose na organizaciju i tok studiranja, a posebno:
 - a) utvrđivanje prijedloga odluka za Vijeće Fakulteta o svim akademskim, nastavnim, naučnim i stručnim pitanjima iz oblasti trećeg ciklusa studija,
 - b) predlaganje Vijeću Fakulteta nastavnih planova i programa trećeg ciklusa studija,
 - c) predlaganje Vijeću Fakulteta preispitivanja nastavnih planova i nastavnih programa trećeg ciklusa studija i to najmanje jednom po isteku ciklusa studija,
 - d) utvrđivanje prijedloga Vijeću Fakulteta o broju studenata za upis u prvu godinu trećeg ciklusa studija,
 - e) predlaganje Vijeću Fakulteta raspisivanje konkursa za upis kandidata u prvu godinu trećeg ciklusa studija,
 - f) imenovanje komisije za provođenje postupka rangiranja za upis studenata u prvu godinu trećeg ciklusa studija,
 - g) verificiranje preliminarne liste primljenih i prijavljenih kandidata za upis u prvu godinu trećeg ciklusa studija,
 - h) predlaganje načina izvođenja nastave studija prije početka nastave,
 - i) predlaganje Vijeću Fakulteta angažmana referentnih predavača sa drugih domaćih i stranih visokoškolskih ustanova,
 - j) predlaganje Vijeću Fakulteta produženje/mirovanje studija za studente trećeg ciklusa studija,
 - k) predlaganje dekanu obustave postupka za stjecanje naučnog stepena doktora nauka,
 - l) izbor supervizora doktorantima,
 - m) saglasnost za promjenu mentora/supervizora,

- n) utvrđivanje prijedloga za obrazovanje Komisije za ocjenu i odbranu projekta, radova, magistarske i doktorske disertacije (u daljem tekstu: Komisija Univerziteta),
- o) prihvatanje izvještaja Komisije Univerziteta,
- p) obavljanje i drugih poslova u skladu sa Statutom i Pravilima studiranja za treći ciklus studija Univerziteta u Sarajevu.

II NAČIN RADA VIJEĆA TREĆEG CIKLUSA STUDIJA

SAZIVANJE SJEDNICE

Član 5.

(Sjednice Vijeća studija)

- (1) Sjednice Vijeća studija mogu biti redovne i vanredne.
- (2) Sjednicu Vijeća studija saziva i njome rukovodi predsjednik Vijeća studija.
- (3) Redovne sjednice se održavaju u skladu sa akademskim kalendarom, a najmanje jednom u mjesec dana.
- (4) U hitnim slučajevima, na osnovu ukazane potrebe, održavaju se vanredne sjednice Vijeća studija.
- (5) Ukoliko je potrebno, predsjednik Vijeća studija, može sazvati elektronsku sjednicu i zatražiti elektronsko izjašnjavanje po određenim pitanjima ili tačkama.
- (6) Predsjednik Vijeća studija može sazvati sjednicu, na pismeni zahtjev najmanje 1/3 članova Vijeća.

Član 6.

(Poziv za sjednice)

- (1) Sjednice Vijeća studija sazivaju se upućivanjem pisanog poziva članovima, u papirnoj ili elektronskoj formi. Poziv se upućuje u principu sedam (7) dana, a najkasnije dva (2) dana prije datuma određenog za održavanje sjednice.
- (2) Poziv i materijal za sjednicu članovima Vijeća trećeg ciklusa studija i drugim pozvanim licima, dostavlja sekretar/referent trećeg ciklusa studija, po prijedlogu predsjednika Vijeća studija.

Član 7.

(Vanredne sjednice Vijeća studija)

- (1) U hitnim slučajevima, po ocjeni predsjednika Vijeća studija, sjednica Vijeća studija može se sazvati i u kraćem roku od onog utvrđenog članom 6. ovog poslovnika, a najkasnije u roku od 24 sata prije zakazane sjednice.
- (2) U slučaju stava 1. ovog člana, poziv se upućuje putem telefona, e-mailom, telefaksom, ili uručenjem putem protokola Fakulteta. Ukoliko postoji, materijal za sjednicu se dostavlja članovima Vijeća studija, neposredno prije početka sjednice.

Član 8.
(Elektronska sjednica)

- (1) Vijeće studija odluke iz svoje nadležnosti u slučajevima posebno opravdanih razloga, (hitnosti, uštede vremena, manjeg obima pristiglog materijala i sl.) donosi i održavanjem sjednica elektronskim putem (elektronska sjednica).
- (2) Poziv za elektronsku sjednicu Vijeća studija s prijedlogom dnevnog reda, radnim materijalom i prijedlogom odluka, zaključaka i stavova dostavlja se na način utvrđen ovim Poslovníkom najkasnije 24 sata prije utvrđenog vremena održavanja sjednice.
- (3) U slučaju održavanja elektronske sjednice, u pozivu za sjednicu koji se dostavlja svim članovima Vijeća studija na njihovu mail adresu, uz dnevni red određuje se početak i završetak sjednice, odnosno rok u kojem se članovi Vijeća studija trebaju očitovati elektronskim putem.
- (4) Kod održavanja elektronske sjednice, članovi Vijeća studija očituju se na svaku tačku dnevnog reda pojedinačno uz navođenje "za", "protiv" ili „suzdržan“ bez dodatnog obrazlaganja glasanja.
- (5) O elektronskoj sjednici sastavlja se zapisnik koji se usvaja na prvoj sljedećoj sjednici Vijeća studija.

Član 9.
(Poziv i materijal za sjednicu)

- (1) Poziv za sjednicu Vijeća studija, obavezno sadrži:
 1. oznaku (redni broj) sjednice
 2. dnevni red sjednice
 3. mjesto i datum održavanja i vrijeme početka sjednice
 4. potpis lica koje saziva sjednicu
- (2) Uz poziv za sjednicu dostavlja se i zapisnik sa prethodne sjednice Vijeća studija.

Član 10.
(Priprema prijedloga dnevnog reda)

- (1) Prijedlog dnevnog reda Vijeća studija priprema predsjednik Vijeća studija, na osnovu pristiglih materijala u vezi sa pitanjima iz nadležnosti Vijeća studija.
- (2) Materijal za sjednicu Vijeća studija dostavlja se u pismenoj formi protokolisan i potpisan od strane podnosioca, najkasnije 7 dana prije planirane redovne sjednice Vijeća studija.
- (3) Pri sastavljanju dnevnog reda treba voditi računa o sljedećem:
 - a. dnevni red treba da obuhvata pitanja iz nadležnosti Vijeća studija,
 - b. dnevni red treba da obuhvata pitanja koja su u momentu održavanja sjednice aktuelna za rad Vijeća studija u cjelini.
 - c. u dnevni red treba da se unesu i pitanja za koja su zainteresirani drugi organi Univerziteta/Fakulteta, a koja su iz nadležnosti Vijeća trećeg ciklusa studija.

Član 11.
(Dnevni red)

Prijedlog dnevnog reda je tako strukturiran da sadrži, posebno označene:

- (1) tačke dnevnog reda, ili
- (2) tačke dnevnog reda, sa dvije ili više podtački;
- (3) svaki član Vijeća studija ima pravo da predloži izmjenu ili dopunu dnevnog reda uz obrazloženje, o čemu se očituje Vijeće
- (4) svaki član Vijeća studija ima pravo da predloži da se određeno pitanje skine sa dnevnog reda uz obrazloženje o čemu se očituje Vijeće.

RAD SJEDNICE VIJEĆA

Član 12.
(Kvorum za rad)

- (1) Predsjednik Vijeća studija otvara sjednicu Vijeća.
- (2) Predsjednik Vijeća studija konstatuje da se sjednica tonski snima.
- (3) Prije prelaska na predloženi dnevni red utvrđuje se postojanje potrebne većine za pravosnažan rad Vijeća studija.
- (4) Prisustvo na sjednici Vijeća studija utvrđuje osoba određena za vođenje zapisnika.
- (5) Potrebna većina za rad sjednice Vijeća studija (kvorum za rad) je nadpolovična većina (1/2 +1 član) od ukupnog broja članova Vijeća studija.
- (6) Ako ne postoji kvorum za rad Vijeća studija početak rada sjednica se odlaže za 15 minuta.
- (7) Ako se i nakon proteka vremena iz stava 6. ovog člana ne obezbijedi potrebna većina za rad Vijeća studija, predsjednik Vijeća studija odlaže održavanje zakazane sjednice Vijeća i zakazuje novi datum održavanja sjednice.

Član 13.
(Usvajanje dnevnog reda)

- (1) Ako postoji kvorum za rad, predsjednik Vijeća studija stavlja prijedlog dnevnog reda na usvajanje, uključujući i raspravu o istom.
- (2) Diskusija članova Vijeća u ovoj fazi ne može trajati duže od pet minuta.
- (3) O precizno obrazloženim prijedlozima i dopunama dnevnog reda članovi Vijeća izjašnjavaju se javnim glasanjem o svakom prijedlogu pojedinačno.
- (4) Predložena izmjena ili dopuna dnevnog reda je usvojena, ako se za nju izjasni nadpolovična većina od ukupnog broja članova Vijeća studija.
- (5) Prihvaćen je prijedlog za koji se izjasnila nadpolovična većina od ukupnog broja članova Vijeća studija.
- (6) Ukoliko nema primjedbi na dnevni red ili dopuna dnevnog reda, odnosno ako se ne usvoje predložene izmjene ili dopune dnevnog reda, dnevni red se usvaja javnim glasanjem.

Član 14.
(Zapisnici)

- (1) Prva tačka dnevnog reda je u pravilu usvajanje zapisnika sa prethodno održane sjednice Vijeća studija.
- (2) O primjedbama na zapisnik članovi Vijeća studija se izjašnjavaju glasanjem.
- (3) Zapisnik na čiji sadržaj nisu stavljene primjedbe kao i zapisnik sa saglasno usvojenim primjedbama smatra se usvojenim kada se za njega izjasni nadpolovična većina od ukupnog broja članova Vijeća studija.

Član 15.
(Tok sjednice)

Radi razjašnjavanja svih relevantnih pitanja za meritorno odlučivanje rasprava o svakoj tački dnevnog reda na sjednici Vijeća studija teče slijedećim redom:

1. uvodna riječ izvjestioca (npr. predsjednika komisije);
2. pitanja;
3. odgovor na postavljena pitanja;
4. davanje odgovora ili prezentacija dodatnih informacija;
5. diskusija, uključujući replike;
6. formulisanje prijedloga od strane predsjedavajućeg: odluke, zaključka ili stava;
7. glasanje članova Vijeća za odluku, zaključak ili stav;
8. proglašenje rezultata glasanja i unošenje u zapisnik.

III NAČIN DONOŠENJA PRIJEDLOGA ODLUKA

Član 16.
(Akti Vijeća trećeg ciklusa studija)

- (1) Vijeće studija u svom radu donosi:
 - a. odluke,
 - b. zaključke, i
 - c. stavove.
- (2) Odluke, zaključci i stavovi prosljeđuju se Vijeću Fakulteta na razmatranje i usvajanje.

Član 17.
(Učešće u diskusiji)

- (1) Svaki član Vijeća studija ima pravo učestvovati u diskusiji nakon što dobije riječ od predsjednika Vijeća studija.
- (2) O jednom pitanju član Vijeća studija može govoriti najviše dva puta izbjegavajući opširnost i ponavljanje.
- (3) Vrijeme izlaganja učesnika u raspravi ograničeno je na pet minuta u okviru jedne tačke dnevnog reda.

Član 18.
(Glasanje)

- (1) Vijeće studija odlučuje nadpolovičnom većinom glasova od ukupnog broja članova Vijeća studija.
- (2) Glasanje se obavlja dizanjem ruke članova Vijeća studija.
- (3) Predsjednik Vijeća studija formuliše prijedlog odluke, zaključka ili stava, a potom se članovi Vijeća studija izjašnjavaju za/protiv/suzdržan.
- (4) Vijeće studija, nadpolovičnom većinom od ukupnog broja članova može odlučiti da se o određenom pitanju obavi javno glasanje pojedinačnim izjašnjavanjem svakog člana i to tako što se nakon prozivanja svaki član odvojeno izjašnjava za ili protiv prijedloga.
- (5) U slučaju da je broj glasova za ili protiv jednak, glasanje se ponavlja, ako i u drugom krugu glasanja rezultat bude isti, predsjednik odlaže sjednicu za jedan sat, ako ponovo rezultati budu nepromijenjeni, odlučivanje po navedenoj tački dnevnog reda odlaže se za tri dana.

IV ODRŽAVANJE REDA NA SJEDNICI

Član 19.
(Održavanje reda)

- (1) Predsjednik Vijeća studija je odgovoran za tok rada i održavanje reda na sjednici Vijeća studija.
- (2) U ostvarivanju ciljeva iz stava 1. ovog člana, predsjednik Vijeća studija:
 - a. omogućiti će članu Vijeća studija da izloži svoju diskusiju po jednoj tački u trajanju od najviše pet minuta i najviše dvije replike u trajanju do dvije minute svaka, a da pri tome ne bude ometan u izlaganju;
 - b. dužan je pružiti zaštitu digniteta svakog člana Vijeća studija;
 - c. upozoriti će člana Vijeća studija, ako je u svojoj diskusiji ili replici odstupio od tačke dnevnog reda o kojoj se vodi rasprava;

Član 20.
(Mjere upozorenja)

- (1) Zbog povrede reda na sjednici i Etičkog kodeksa Univerziteta, predsjednik Vijeća studija može članovima izreći neku od sljedećih mjera:
 - a. upozorenje, u slučaju prekoračenja vremena za diskusiju ili repliku;
 - b. upozorenje u slučaju narušavanja reda;
 - c. upozorenje u slučaju narušavanja digniteta člana Vijeća studija;
 - d. usmenu opomenu;
 - e. oduzimanje riječi, za slučaj da je članu Vijeća trećeg ciklusa studija već izrečena neka od gore navedenih mjera;
- (2) Izrečene mjere se unose u zapisnik.

Član 21.
(Zapisnik sa sjednice)

- (1) O radu Vijeća studija vodi se zapisnik.
- (2) Zapisnik vodi, sačinjava i potpisuje zapisničar i predsjednik Vijeća trećeg ciklusa studija.
- (3) Sjednice se tonski snimaju.
- (4) Tonski zapis sjednice je sastavni dio zapisnika i isti se arhivira kao dokument trajne vrijednosti zajedno sa originalnim zapisnikom.
- (5) Svi članovi Vijeća studija imaju pravo uvida i korištenja tonskog zapisa sjednice Vijeća studija.

Član 22.
(Sadržaj zapisnika)

- (1) Zapisnik o radu Vijeća trećeg ciklusa studija obavezno sadrži:
 - a. redni broj sjednice;
 - b. datum, mjesto i vrijeme održavanja sjednice;
 - c. ime i prezime predsjedavajućeg sjednice i zapisničara;
 - d. imena i prezimena prisutnih i opravdano odsutnih;
 - e. imena prisutnih koji nisu članovi Vijeća studija, njihova funkcija i zvanje;
 - f. dnevni red sjednice;
 - g. ime i prezime podnosica prijedloga/zahtjeva/izvještaja i kratak sadržaj navedenog;
 - h. po svakoj tački dnevnog reda: kratak sadržaj predmeta glasanja, podatke o glasanju i usvojenu odluku, zaključak ili stav,
 - i. izdvojena mišljenja, stavljene prigovore ili primjedbe;
 - j. ostale relevantne događaje sa sjednice;
 - k. potpis predsjedavajućeg i zapisničara;

Član 23.
(Obaveze u vezi sa zapisnikom)

- (1) Na osnovu predhodnog stenograma i tonskog zapisa sačinjava se zapisnik kojeg potpisuje predsjednik Vijeća studija i zapisničar nakon usvajanja istog.
- (2) Zapisnik se mora sastaviti u roku od 5 radnih dana, od dana održavanja sjednice.
- (3) Zapisnik se sačinjava u dva primjerka koji se ovjeravaju potpisima predsjednika Vijeća studija i zapisničara.
- (4) Izmjene i dopune zapisnika vrše se samo na osnovu odluke Vijeća studija prilikom njegovog usvajanja.
- (5) Zapisnik potpisuje predsjednik Vijeća studija i zapisničar.
- (6) Zapisnik, odluke i zaključci moraju se sastaviti u roku od pet radnih dana od dana održavanja sjednice Vijeća studija.

- (7) Po jedan ovjeren primjerak se čuva u arhivi i kod referenta trećeg ciklusa studija Fakulteta kao dokument trajne vrijednosti.
- (8) Zapisnik se dostavlja članovima Vijeća studija u elektronskoj formi, a izvod iz zapisnika drugim licima, po odluci predsjednika Vijeća studija.

VI PRELAZNE I ZAVRŠNE ODREBE

Član 24.

Izmjene i dopune Poslovnika vrše se na isti način i po postupku utvrđenim za njegovo donošenje.

Član 25.

Poslovnik stupa na snagu danom usvajanja i isti će biti objavljen na oglasnoj ploči i web stranici Fakulteta.

Član 26.

Danom stupanja na snagu Poslovnika o radu vijeća trećeg ciklusa studija – doktorski studij Univerziteta u Sarajevu-Farmaceutskog fakulteta prestaje da važi Poslovnik o radu Vijeća trećeg ciklusa studija Farmaceutskog fakulteta Univerziteta u Sarajevu br. 0101-4818/19 od 27.09.2019.godine.

**PREDSJEDAVAJUĆI
VIJEĆA**

Prof.dr. Fahir Bečić, dekan

U Sarajevu, 06.04.2023. godine

0101 -1502-1 /23